

Bájkkeavijssa NuorttaSállto

Gállábárne - subtsas vuostasj sámij birra

Guokta skávllábiejve avtat rajes li oahppe Gásluovta skávlá 3. ja 4. klássan barggam Gállábárnij – subtsas vuostasj sámij birra. Prosjækta loahpaduváj vuosádusájn vuostasj ja nuppát klássagijda; vuosádus mij galla nuorra gæhttij mielav giddij.



Bagádalle Toril Johansen lij subtsastiddje ja jienav stivrrj vuosádusán.
INSTRUKTØR Toril Johansen var både forteller og lydmaker under forestillingen.

Gállábárne le prosjækta guovte ásjda juogedum gánná bajemus ulmme le máná galggi ietjas dájdalasj almasjuogijit gávnat ja mielav dajda giddit, sámmi báttá gá oadtju dájdadusáv sáme mytologijas, subtsastallamdájdás ja juojga árbbedábij. Prosjækta le oasse Kultuvralasj skávllávuossas Nordlándan, ja dán aktijvuodan li kostymajt Kultas luojkkam, mij le oasse kultuvralasj skávllávuossas Trámsán. Toril Johansen Guovddagæjnos le bagádalle læhkám. Dát le nælját jage sán le mannamin dájna prosjevtajn, ja dá bále le nieljen vahkon avtse skávlájt guossidam, duola dagu skávlájt divna Nuortta-Sállto suohkanijn. Johansen barggá freelance oavdástallen ja bagádallen, ja le guhkev barggam sáme teáhterin ja filman. Jagen 2000 oattjoj ratjikguddneákkáv buorre bargo ávdás sáme mánáj ja nuoraj gáktuj.

Bargadahttij li oahppe gullam sáme sjivnnjedimmujttalusáv ja oahppam dájdadit násstegáváv Gállábarnev ádá láhkáj. Gulldalam li subtsasav, sárggum ja dramahárijidallamijt tjadádám. Aktan Johansenijn ja guládallamáhpáididijn Astrid G. Nilseijn ietjas roallafiguvrajt ja ietjas moalgedimijt subtsasis gávnadin. Dá mañenagi tjoahkkáj biejaduvvin teáhtarvuosádusán mij nágín tijma hárijidallama mañnela vuosádusáj lãhpáduváj skávlá nuoramus oahppijda. Ja ællim dássju gæhttje gudi lidjin viek dudálattja vuosádusájn. Bagádalle mielas riek buoragijt manáj ja riek buorre vuosádus sjattaj.

Bargadahttij vuosádusájn aj álov sáhkadin sámevuoda birra, gudi sáme li ja sierradusáj norrøn ja sáme mytologija birra. Dan aktijvuodan Johansen dájdadij oahppijn Gásluovta skávlán lij álllo diehto sámevuoda birra. Dát giehpedit bargov, ja bagádalle mielas lij riek buorre dáj oahppij barggat gudi lidjin rahpasa ja oassásastin bargguj.

Vuosádusá ávdádala lidjin moadda oahppe hálvva asidisá ja luohkaj tjuojven. Valla loajtoj ságastallama mañnela ávdádál gá gæhttje sisi bessin, ja hástalusáj bagádalles suhtastallat, gal gájkká buoragijt manáj. Vuosádusá mañnela oahppe Johansenav májnodin, ja máhttin subtsastit álov lidjin dá guokta bievjijn oahppam. Dánna lij sáhká duola dagu Gállábárne li vuostasj sámebáhtja sielo, niego máhtti suohttasá liehket, ja ep dárbaaha ballat gá galggá vuosádusán oassásastet ja le buoremus aktisattjat barggat gá ájgo



Tæksta/Gáva: Ingar N. Skogvold
Járggálibme: Idar Kintel/Divte Media AS

Gálmá viehkediddje (Thomas Aamo, Jens Solvold, Martin Kristoffer Liljebakk) vantsav aktan bieje bárnijn (Martin Nicolaisen) tsieggijn vaj sán jiehtanisáj lándas besaj.
DE TRE HJELPERNE (Thomas Aamo, Jens Solvold, Martin Kristoffer Liljebakk) bygde båt sammen med solsønnen (Martin Nicolaisen) slik at han kunne komme seg til jettenes land.

juojddáv tjadádit. Suhtas lij juojgav oahppat, moalgedin muhtema oahppijs, ávdádál gá lãhpádin dáv prosjevtaj jur esski áhpáduv juojgájn.



Bieje bárnne (Martin Nicolaisen) dárru vuoras jiehtanisáj (Tobias Westgård) oattjojijt loabev suv niejdajn váldut (Ida Nøstdahl).
SOLSØNNEN (Martin Nicolaisen) kjemper med gammeljetten (Tobias Westgård) om å få lov til å gifte seg med datteren (Ida Nøstdahl).



Nuorra oavdástalle tjáhkkanam vuosádusa mañnela aktan bagádalle Toril Johansen (gassko), guládallamáhpáididje Astrid G. Nilse ja guosse oahppe Rebekka B. Corneliussen.
DE UNGE SKUESPILLERNE samlet etter forestillingen sammen med instruktør Toril Johansen (i midten) kontaktlærer Astrid G. Nilse og utplassert elev Rebekka B. Corneliussen.